

## ಯೋಹಾನನು ಬರೆದ ಎರಡನೆಯ ಪತ್ರಿಕೆ ಯೋಹಾನನೇ ಲೀಖ್ಯೋತೆ ಬೇನಿ ಚಿಟ್ಟಿ ಮಾಲುಮ್ ಕರಾನು

ಯೋಹಾನನೇ ಲೀಖ್ಯೋತೆ ಬೇನೆ ಚಿಟ್ಟಿನ ಅಪೊಸ್ತಲ ಯೋಹಾನನೇ ಕ್ರಿಸ್ತನ ಪೈದಾಖ್ವನ ವಾರ್ 50 ಅಜ್ಜು 100 ವರಖ್ವನಿ ಬೀಚ್ಚ ಲೀಖಿರಾಖ್ಯೊಸ್. ಯೋಹಾನನೇ ಆ ಚಿಟ್ಟಿನೊ ಲೀಖಾಪಟ್‌ವಾಳೊ ಹುಯಿರೊಸ್ಕರಿ ಮಾಲುಮ್ ಕೊಹುವಾನಿ. ಅನಬದಲ್ ಇನುಯೋಸ್ ಏಕ್ ಗಲ್‌ಡೊಕರಿ ಬೋಲಿಲೇಸ್. 1:2 ಯೋಹಾನನೇ ಇನುಯೋಸ್, ಯೋಹಾನನೇ ಲೀಖ್ಯೋತೆ ಸುವಾರ್ತೆನಿ ಚಿಟ್ಟೀಮ ದೆಖಾವತೆ ಸಮಾಚಾರಸ್ ಖನ್ನೆ ದೇಖಾವಸ್. ಏಕ್‌ನ ಏಕ್ ಪ್ಯಾರ್ ಕರೊಕರಿ ಬೋಲಾನಿತರಸ್ ಯೇಸುನೆ ಚಾಲಿಲೀದೊ ಕರಿ ಬೋಲಾನಿ ಬಾರೇನಿ ತರೀಖಾಮ ದೇಖವಸ್ 1:5-6 ಯೋಹಾನ 15:9-10 ಯೋಹಾನನೇ ಲೀಖ್ಯೋತೆ ಸುವಾರ್ತೆ ಅಜ್ಜು ಇನಿ ತೀನ್ನಿ ಚಿಟ್ಟಿ ಹುಯಿರೀತೆ ಏಕ್‌ನಿ, ಬೇನಿ, ಅಜ್ಜು ತೀನ್ನಿ ಯೋಹಾನನಿ ಚಿಟ್ಟಿನ ಯೋ ಎಫೆಸಮ ಜಿವ್ವು ಕರುಕರ ತದೆ ಇನೇಸ್ ಆ ಚಿಟ್ಟಿನ ಲೀಖಿರಾಖ್ಯೊಸ್‌ಕರಿ ವಿಶ್ವಾಸ್ ಕರೆಜಾಯ್.

ಯೋಹಾನನೇ ಆ ಚಿಟ್ಟಿನ ಚುಣೈಲಿದೇತೆ ತಯೇಡ ಅಜ್ಜು ಇನ ಲಡ್ಕಾವನಿ ಬಾರೇಮ ಲೀಖಿರಾಖ್ಯೊಸ್. ಆ ವಾತೆನ ಸಬೇನಿ ಬಾರೇಮ ಲೀಖಿರಾಖ್ಯೊಸ್. ಸಬೆನ ಝೂಟಿ ಬೋಧಕರ್‌ನಿ ಬಾರೇಮ ರೈತಾವನು ಅಜ್ಜು ಹುಮ್ಮಖ್ ದೈವಾನಿ ಖುಜ್ವೊಧಿ ಆ ಚಿಟ್ಟಿನ ಲೀಖಿರಾಖ್ಯೊಸ್.

### ಕಾಡಿದೇಖೊ

1. ಯೋಹಾನನೇ ಪಥಾವಾಳಾನ ಖ್ವಲಾಮ್‌ಕರಾನಿ ಜೋಡ್ತ ಅಜ್ಜು ಆ ಕಿನ ಲೀಖೈರುಸ್ ಕರಿ ಬೋಲೊಹುಯಿನ್ ಚಿಟ್ಟಿನ ಮಾಲುಮ್ ಕರಾವಸ್ 1:1-3
2. ಇನಕೇಡೆಥು ಇನೆ ಸಬೆನ ಹುಮ್ಮಖ್ ದೇಸ್ ಅಜ್ಜು ಮಹಾನ್ ಹುಕುಮ್‌ನ ಇವ್ವುನ ಖ್ವಯಾಲ್ ಕರೈದೇಸ್ 1:4-6

3. ಬಾದ್ಮಯೊ ಝೂಟಿ ಬೋಧನೆ ಕರವಾಳನಿ ವಿರೋದ್ ಇವ್ವುನ  
ಯೇತಾವಸ್1:7-11

4. ಯೋಹಾನನೆ ಯೊ ಜಿವ್ವುಕರುಕರಾತೆ ಝುಗೋನಿ  
ಸಬೆನ ವಿಶ್ವಾಸಿನ ಖ್ಲಾಮ್ ಕರ್ತೊಹುಯಿನ್ ಚಿಟ್ಟಿನ  
ಖ್ತಿರ್ಕರಸ್1:12-13

1 ಸಬೇನೊ ಶಾಣಾವ್‌ಮಾಥೊ ಏಕ್‌ಜಣೊ ಹುಯಿರ್ದೊತೆ ಮೆ  
ದೇವ್ನ ಚೂಣಿರಾಮ್ಮುತೆ ಖ್ವಾಚ ಪ್ಯಾರ್‌ನಿ ಭೇನೆನಾಬಿ ಇನ ಲಡ್ಕಾನಾಬಿ  
ಲೀಮುಕರುಸ್ತೆ ಶಾತ್‌ಕತೊ;

2 ಅಪ್ಪಾಮ್ ಭಡ್‌ಗಾರಿಲ್ಲಾತೆ ಅಜ್ಜು ಕದೇಬಿ ಅಪ್ಪ ಜೋಡೆ ಛೇತೆ  
ಖ್ವಾಚನಖ್ವಾಚೆ, ಮೆ ತುಮುನ ಖ್ವಾಚಮಾಬಿ ಪ್ಯಾರ್‌ಕರೊಸ್. ಮೇಸ್  
ಕಾಹೆತೆ ಖ್ವಾಚಿನ ಪ್ಯಾರ್‌ಕರವಾಳು ಖ್ವಾರುಸ್ ತುಮುನ ಪ್ಯಾರ್‌ಕರಾಸ್.

3 ಬಾ ಹುಯಿರ್ದೊತೆ ದೇವ್‌ಥಿಬಿ, ದೇವ್‌ನೊ ಛಿಯೊ  
ಹುಯಿರ್ದೊತೆ ಯೇಸು ಕ್ರಿಸ್ತಧಿ, ವಾರ್‌ಖೊಬಿ, ಗೋರ್‌ಬಿ, ಶಾಂತಿಬಿ,  
ಖ್ವಾಚಿಬಿ, ಪ್ಯಾರ್‌ಬಿ ಅಪ್ಪ ಜೋಡೆ ಹರ್‌ಹಮೇಶ ರ್ದ್ವಾದೆ.

### ಖ್ವಾಚಿ ಅಜ್ಜು ಪ್ಯಾರ್

4 ಬಾಧಿ ಅಪ್ಪೆ ಲೀಲಿದಾತೆ ಹುಕುಮ್‌ನಿತರ ತುಮಾರ ಲಡ್ಕಾಮ್  
ಥೋಡುಜಣು ಖ್ವಾಚಿ ವಾಟ್‌ಪರ್ ಚಾಲುಕರಸ್ತೆ ದೇಖಿನ್ ಮನ ಘಣು  
ಖ್ವುಶಿ ಹುಯು.

5 ಆಯಾವೊ, ಮೆ ನವಿ ಹುಕುಮ್‌ನ ಲೀಮುಕರುಕೊಂತೆ  
ಪಹಿಲೆಥೀಸ್ ಛಾತೆ ಹುಕುಮ್‌ನಾಸ್ ಲಿಖಾವಾಳೊ ಹುಯಿರೋಸ್.  
ಅಪ್ಪೆ ಏಕ್‌ಥಿಏಕ್ ಪ್ಯಾರ್‌ಕರವಾಳ ಹುಯಿರ್ದೊಯೆಕರಿ ತುಮಾರಮ್  
ಬೋಲಿಲೇವುಸ್.

6 ದೇವ್ನಿ ಹುಕುಮ್ ಲೀನ್ ವಿಧೇಯ ಹುಯಿನ್ ಚಾಲಾನುಸ್  
ಪ್ಯಾರ್ ಹುಯಿರುಸ್. ಪ್ಯಾರ್‌ಮ್ ಚಾಲ್ನುಸ್‌ಕರಿ, ತುಮೆ ಪಹಿಲೆಥುಬಿ  
ಖ್ತಿಮ್‌ಜ್ಯಾತೆ ಹುಕುಮ್ ಹುಯಿರಿಸ್. ತುಮೆ ಖ್ವಾರು ಪ್ಯಾರ್‌ಮಾಸ್  
ಜಿವವಾಳ ಹುಯಿರ್ದೊಣು.

7 ಶನಕತೊ, ಯೇಸುಕ್ರಿಸ್ತ ಅದ್ಮಿಹುಯಿನ್ ಆಯೊ ಕರಿ ಮಾನಿಲೆಯಿಕೊಂತೆ ಕೆತ್ತುಕ್ಕಿ ರಗಾರುಖ್ವಾರು ಜಗತ್‌ಮ ಅಯಿಗು ಅಧ್ರಾನವಾಳುಸ್ ಯೇಸುನ ಮಾನಿಲೆಯಿಕೊಂತೆ ರಗಾರುಖ್ವಾರು, ಕ್ರಿಸ್ತವಿರೋದಿ ಖ್ವಾರು ಹುಯಿರುಸ್.

8 ತುಮೆ ಖ್ವತಾಪ್ಪಿಧಿ ಕಮೈರಾಖ್ವಸ್ತೆ ನಾ ಗುಮೈಲೆವ್ವತ್ತೆ ಪೂರ ಫಾಯಿದಾನ ಲೀಲ್ಯಾವನಟೇಕೆ ಹೊಷಾರ್ ಹುವೊ.

9 ಕ್ರಿಸ್ತನಿ ಉಪದೇಶ್‌ಮ ನಾರ್ಡ್ವಿನ್ ಇನ ಮಿತ್‌ಮೀರಿನ್ ಜಾವಾಳಮ ದೇವ್ ಕೊರ್ದೆಯಿನಿ. ಯೊ ಉಪದೇಶ್‌ಮ ಜಡ್‌ಗಾರಿನ್ ರ್ವಾವಾಳಮ ಬಾನಿಬಿ ಛಿಯ್ಯಾನಿಬಿ ಜೋಡೆ ಗಳ್‌ಜೋಡ್ ರ್ವಶೆ.

10 ಆ ಬೋಧನೆನ ರ್ಪುಟ್ಕಾರವಾಳು ಕೋಣ್‌ಬಿ ತುಮಾರಕನ ಆಯುತೊ ಇವ್ವುನ ತುಮಾರ ಘರ್‌ಮ ಬುಲಾವೊನಕೊ. ಇವ್ವುನ ಅಲ್ಪು ಹುವಾದೆ ಕರಿಬಿ ನಕೊ ಬೋಲೊ.

11 ಶನಕತೊ, ಇವ್ವುನ ಅಲ್ಪು ಹುವಾದೆ ಕರಿ ಬೋಲವಾಳೊ ಇವ್ವ ಖರಾಬ್ ಕಾಮ್‌ಭಾಗ್‌ಲ್ಯಾವಾಳು ಹುಯಿರ್ದೆಶೆ.

### ಖ್ವರ್ತಿನಿ ಖ್ವಲಾಮ್

12 ಮೇ ತುಮುನ ಬೋಲಾನು ಘಣುಛೆ. ಮೇ ಇಂಕ್‌ಧಿ ಕಾಗತ್‌ಪರ್ ಲೀಖಿನ್ ಖ್ವಮ್‌ಜಾಡನ ಇಷ್ಟಕೊಯ್ತಿ. ಕತೋಬಿ ಮೇಸ್ ತುಮಾರಕನ ಐನ್, ತುಮಾರಿಜೋಡೆ ಆಮಖ್ವಾಮೆ ವಾತೆ ಬೋಲಾನ ಆಖ್ವಕರುಸ್. ತದೆ ತುಮಾರಿ ಖ್ವಶಿ ಭರ್‌ಪೂರ್ ಉಷೆ.

13 ದೇವ್ವೆ ಚೂಣ್ವೊತೆ ತುಮಾರಿ ಪ್ಯಾರ್‌ನಿ ಭೇನೆನ ಲಡ್ಕಾ ತುಮುನ ಧನ್ಯವಾದ್ ಬೋಲುಕರಸ್.

**ದೇವಿ ಖಾಚಿ ವಚನ್**  
**The New Testament in the Vaagri Booli language of**  
**India: ದೇವಿ ಖಾಚಿ ವಚನ್ (Bible)**

copyright © 2023 The Word for the World International

Language: (Vaagri Booli)

Contributor: The Word for the World International

**ದೇವಿ ಖಾಚಿ ವಚನ್**  
**ವಿ ಒಪ್ಪಂದಾನ, 2023**

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

---

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06